

---

## ДАЛАЛАРИМИЗГА БАРАКА ЁҒИЛГАН

Зиёли ёки ишчи, умуман деҳқончиликдан йироқ касб эгалари ҳам пахта теримига бефарқ бўлмади. „ Қанча тердингиз? „, „ Чиқиши қалай?“, „ Режа нечига борди?“ каби саволлар, албатта бўлади. Шундоқ Буюк ипак йўли бўйида, Қўқон йўналишида ўнг томондаги пахта майдонлари „ Голд эар“ фермер хўжалигига тегишли. Пахта ўтган-кетганнинг ҳавасини келтиради. 58 гектар майдондан 39 центнер дан 239 тонна ҳосил олиш йўлида астойдил меҳнат қилинди. Қилинган меҳнат самарасини беряпти. --Ҳисоб-китобларимизга кўра, ҳосилдорлик 40 центнердан ошяпти,- дейди 8--отряд раҳбари Равшанбек Мамажонов.-- Вилоят ҳоқими Хайрулло Бозоров даламизда бўлиб, раҳмат айтди. Кунига 160-170 нафар теримчилар билан 20 тоннадан ўтказиб пахта териб оляпмиз. Худо хоҳласа, биринчи теримдаёқ режани бажарамиз. Ҳоқим ўринбосари Саидахон Усмонова, маҳалла ва нуронийларни қўллаб-қувватлаш бўлими бошлиғи Мўсожон Охунов билан мазкур фермер хўжалигида бўлдик. Далаларимизга барака ёғилганини кўрдик. Эндиги асосий вазифамиз катта ва шарафли меҳнат эвазига етиштирилган ҳосилни тезроқ йиғиб-териб олишдир.

Ёзёвон тумани ҳоқимлиги ахборот хизмати.

2022-09-14 11:16:03